

Spiehkkanlohpeohcamuš bearašdálu huksema várás

Gr 28.01.2026 § 21
12/10.03.00.07/2026

Giddodaga 890-402-9-15 JALVE mearreviidodahkii, man leat juohkimin, lea guđđojuvvon huksenlága (RakL) 57 § mielde spiehkkanlohpeohcamuš spiehkkanit gáddesajádatláva mearrádusain 214 k-m² bearašdálu huksema várás. Guovlluideavahanlága (AkL) 58 § mielde huksenčuožáhaga ii oaččo hukset sajádatlága vuostá ja RakL 44 § mielde sajusteami eaktun lea ahte huksenprošeakta čuovvu sajádatláva. RakL 57 § mielde giella sáhtá erenomáš sivas miedihit lobi spiehkkanit guovlluideavahanlágas ásahuvvon dahje dan vuođu addojuvvon ja dán lágas ásahuvvon dahje dan vuođu addojuvvon njuolggadusas, mearrádusas, gildosis dahje eará ráddjehusas.

Plánejuvvon huksenbáiki lea Vuollegeavgná gáddeláva eanan-, meahcce-, ja luonddudállodoalloguovllus (M-1), masa ii leat gáddelávas addojuvvon huksenvuoigatvuohta. Mearreviidodat, mii juhkkajuvvo, lea 3000 m². Huksenbáiki ii ole gáddái. Huksenbáikki bálddas lea gáddelávas čujuhuvvon eanadáluid dálodoallovisttiid koartilguovlu (AM/s) huksenvuoigatvuođain, man biras seailluhuvvo. AM/s-guovllus lea gáddeláva ja gustovaš gáddeasseoppalašláva lávvamearrádusaid mielde suodjaluvvon čuožáhagat ja kulturhistorjjálaččat mávssolaš visttit, maid ii oaččo burgit. Dan lassin huksenbáikki lahka davábealde lea dološmuittoguovlu. Plánejuvvon visti lea 214 k-m² bearašdálu, mas leat guokte gearddi. Olggobealli lea ohcamuša mielde antihkavilges muorra ja čáhcegáhttun punamulta-ivdnásaš spellegáhttu. Bázašusčáziid gieđahallama várás huksejuvvo huksenbáikái iežas bázašusčáhcevuogádat. Johtu ordnejuvvo AM/s-guovllu boares dálu šilju bokte. Ohcci oamasta maiddái boares dálu giddodaga. Huksenbáiki lea III luohká bodnečáhceguovllus, mávssolaš buolžaguovllus ja riikkaviidosáččat mávssolaš duovdagis.

Ohcci lea ákkastallan spiehkkanseami ja huksenbáikki válljema ee. dainna ahte eananvuođu heive bures huksemii ja boares kulturhistorjjálaš visttit seilott šiljus, jus ođđa dálu huksejuvvo AM/s-guovllu olggobeallai. Buoret allodagas dulveáitaga hárrái ja guhkit gaskkain ráfehis museageaidnui, plánejuvvon huksenbáiki ii leat áibbas guoskkatmeahtun ja das leat goivon čievrra 1950-logus ja báikki historjjá áigge.

Ohcci lea gullan ránnjaid ja daid geaid ássamii, bargui dahje eará diliide huksenprošeakta sáhtá váikkuhit mearkkašahhti láhkai. Muittuhusat eai leat boahtán. Ohcamušas leat bivdán cealkámušaid Lappi ELY-guovddáži, Sámemusea Siiddas,

lávvejeaddjis ja gieldda birasgáhtteneiseválddis. Cealkámušaid bivdima áigge bearašdálu viidodat lei 260 m2.

Lappi ELY-guovddáš lohka cealkámušastis ee. ahte ránes bázahusčáziidge eanagiedahallan ii leat vejolaš bodnečáhceguovllus, muhto doaibmaválddálaš eiseváldi bázahusčáhceáššiin lea Ohcejoga gieldda birasgáhtteneiseváldi. Lappi ELY-guovddáša oainnu mielde huksema galggašii čoavdit lávvemiin. Sámemusea Siida lohka cealkámušastis ee. ahte plánejuvvon ivnnit galggašedje heivet šilljobirrassa eará visttiide. Dálu huksemis eai oro leamen mearkkašahti váikkuhusat duovdagii dahje museageainnu árvvuide, go ođđa viesu huksen dáhphuvvá boares šilljobirrassa oktavuhtii, boarrásut visttiid duohkái joga ja geainnu guovllus bealddu badjel geahčadettiin. Vistti báikkis dološmuittuid oasil lea ságastallon sihke Sámemusea Siiddain ja Musealágádusain ovdal huksenbáikki mearrideami. Leat gávnahan ahte huksenbáiki lea dološmuittoguovllu olggobealde. Lávvejeaddji doarju cealkámušastis spiehkaseami miediheami. Gieldda birasgáhtteneiseválddi cealkámuša mielde ođđa cealkámuša galgá bivdit jus dán giddodahkii ohccojuvvo aitosas huksenlohpi.

Sajádattevnnet ja sajádatkártta leat siidomateriálan. Materiála lea oaidninláhka čeahkkimis.

Heivehuvvon riekterávvagat
Guovlluideavahanláhka 43 §, 58 § ja 72 §
Huksenláhka 44 §, 57 §, 64 §, 67 § ja 187 §

Válmmaštalli	Huksendárkkisteaddji Joni Kiemunki, Soađegili gielda
Áššemeannudeaddji	Gielddahoavda Kontio Päivi
Mearrádusevttohus	Gielddaráđdehus miediha ohccojuvvon spiehkkananlobi.

Spiehkkananlobi miediheami ággan lea ahte dán dáhphusas eai oainne ahte huksen hehte lávvema, láva ollašuvvama dahje guovlluid geavaheami eará ordnema, iige hehte luonddugáhttema dahje huksejuvvon birrassa suodjaleami mihttomeriid ollašuvvama. Prošeakta ii oaččo áigái mearkkašahti huksema dahje muđui dagat mearkkašahti vahátlaš biras- dahje eará váikkuhusaid gv. huksenbáikkis. Dan lassin ohcci lea ovdanbuktán spiehkkananlohpaí erenomáš sivaidda ja ákkaid.

Ovdan huksenbarggu álggaheami galgá ohcat aitosas huksenlobi 2 jagi siste dán mearrádusa addimis, man giedahallama oktavuodas dutkojuvvojit lobi miediheapmái guoski eará lágas áshuvvon eavttut. Bázahusčáhcesystemat galget deavdit Ohcejoga gieldda birasgáhttenmearrádusaid ja bázahusčáhcesystema tánjkaide galgá bidjat

badjelmearedievvama alárpmaid. Huksema bodnečáhceguovllus galgá ollašuhttit nu ahte mearkkašahtti eananfievrredan- ja rogganbarggut eai dárbbášuvvo. Huksekeahtes huksenbáikki osiid galgá gieđahallat nu lunddolaččat go lea vejolaš. Huksema, rávarokkiid goaivumiid ja eanagoaivuma galgá dahkat dan láhkai, ahte dat eai nuppástuhte vuodđočázi kvalitehta dahje vuodđočázi gieraallodaga bissovaččat. Huksedettiin galgá váruhit vahágahttimis dološmuittuid. Dan lassin galgá sihkkarastit, ahte buohkat geat barget guovllus dihtet dološmuittus.

Mearrádus

Válmmaštalli Joni Kiemunki ovdanbuvttii ášši gielddaráđđehusa lahtuide.

Evttohus dohkkehuvvui

Nuppástusohcanráva guoská paragrafaid: § 21**VÁIDDAČUJUHUS**

Dán mearrádussii ohccojuvvo nuppástus hálddahusváidagiin.

Váidinvuoigatvuohta

Dán mearrádussii oažžu ohat nuppástusa dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha ja dat, gean váidinvuoigatvuođas lágas sierra ásaheavvon. Eiseváldi oažžu ohat nuppástusa váidimiin maiddái, jos váidimii lea dárba almmolaš ovddu dihte, man eiseváldi gohčá.

Váidináigi

Váidaga galgá dahkat 30 beaivve geažes das, go lea ožžon mearrádusa diehtun.

Váidaga galgá doaimmahit váiddeiseváldái maŋimustá váidináiggi maŋimus beaivve ovdal, go váiddeiseváldi doaimmahat giddejuvvo.

Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža beaivve geažes reive sáddemis. Gehččojuvvo goittotge, ahte eiseváldi lea ožžon mearrádusas dieđu dan beaivve, go reive lea boahtán.

Go geavahuvvo dábálaš elektrovnnalaš diehtunaddin, de gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, goalmát beaivve dieđu sáddemis.

Diehtunoažžunbeaivi ii rehkenastojuvvo váidináigái. Jos váidináiggi maŋimus beaivi lea bassebeaivi, iehčanasvuođabeaivi, válborebeaivi, juovla- dahje jonsotruohtta dahje árgalávvardat, de váidaga oažžu doaimmahit váiddeiseváldái vuosttas árgabeaivve dan maŋŋá.

Váiddeiseváldi

Váidde dahkkojuvvo Davvi-Suoma hálddahusriektái

Boastačujuhush: PL 189, 90101 OULU
Uksačujuhush: Torikatu 34-40, Oulu
Telefonnummir: 029 564 2800
E-boasta: pohjois-suomi.hao@oikeus.fi

Váidaga sáhtá dahkat maid hálddahus- ja erenoamášduopmostuoluid áššedikšunbálvalusas čujuhusas <https://asiointi2.oikeus.fi/hallintotuomioistuimet>

Váidaga hápmi ja sisdoallu

Váidaga galgá dahkat čálalaččat. Maiddá elektrovnnalaš áššegirji deavdá čálalaš hámi gáibádusa.

Váidagis galgá almmuhit:

- 1) mearrádusa, masa ohcá nuppástusa (*váidinvuloš mearrádus*);
- 2) man dáfus mearrádussii ohcá nuppástusa ja maid nuppástusaid dasa gáibida (*gáibádusat*);
- 3) gáibádusaid vuodustusat;
- 4) masa váidinvuoigatvuohta vuodđuduvvá, jos váidinvuloš mearrádus ii guoskka váidi.

Váidagis galgá lassin almmuhit váidi nama ja oktavuohtadieđuid. Jos sátneválldi geavaha váidi lágalaš ovddasteaddji dahje fápmuduvvon olmmoš, de maiddá su oktavuohtadieđuid galgá almmuhit. Jos oktavuohtadieđut rivdet dalle, go váidda lea biddjojuvvon johtui, galgá dieđuid rievdamis almmuhit hálddahuosduopmostullui farggamusat.

Váidagis galgá almmuhit maiddá dan boastačujuhusa ja vejolaš eará čujuhusa, masa riektegeavvama áššegirjiid sáhtá sáddet (*proseassačujuhus*). Jos váidi lea almmuhan eambbo go ovtta proseassačujuhusa, de hálddahuosduopmostuollu sáhtá válljet, guđemuš almmuhuvvon čujuhussii dat doaimmaha riektegeavvama áššegirjiid.

Váidagii galgá laktit:

- 1) váidinvuloš mearrádusa ja váiddačujuhusa;
- 2) čielggadusa das, goas váidi lea ožžon mearrádusa diehtun dahje eará čielggadusa váidináiggi álginbeaivvis;
- 3) áššegirjiid, maid váidi geavaha gáibádusaidis doarjjan, jos dat eai leat juo ovdal doaimmahuvvon eiseváldái.

Riektegeavvanmáksu

Das, gii bidjá nuppástusohcanášši johtui, berrojuvvo riektegeavvanmáksu dan mielde, go duopmostuollolágas (1455/2015) ásahuvvo.

Beavdegirji

Mearrádusa guoskevaš beavdegirjji váldosiid ja mildosiid sáhttá bivdit Ohcejoga gieldda registrerenkantuvrras.

Boastačujuhus: PL 41, 99981 OHCEJOHKA
Uksačujuhus: Luossa 1a Ohcejohka
E-boasta: kunnanvirasto@utsjoki.fi
Telefonnummir: 040 188 6111

Girjenkantuvra lea rabas vuossárggas bearjadahkii dii. 9.00 – 15.00.

Beavdegirji lea 4.2.2026 dolvojuvvon oaidninláhka almmolaš diehtofierbmái čujuhussii www.utsjoki.fi.